



**Sulisinnaagaluarlutik sulinngitsut pisortaniit pisartagaqassagunik sulinnginnerup nalaani inuiaqatigiinnut ikiuuttussatut pisussaaffilersinnaanerigut apeqquteqaat aallaavigalugu oqallisissiasatut siunnersuut.**

(Inatsisartunut ilaasortaq Aqqalu C. Jerimiassen, Atassut)

Qujanaq Inatsisartunut ilaasortaq Aqqalu C. Jerimiassen siunnersuummut.

Demokraatit aallaqqaasiutitut erseqqissarusuppaat, pingaartuusoq immikkoortissallugit innuttaasut, sulisinnaassusillit nalerneqarsimasut aammalu innuttaasut, napparsimaneq, innarluuteqarneq assigisaanilluunniit nalerneqarnermik sulisinnaanngitsut. Uagutsinnut pingaartorujussuuvoq, innuttaasut, sulinissaminnut piareersimannngitsut pisortanit pisariaqartumik ikiorserneqarnissaat akkerlianik pilliuteqarnissaannik piumasaaqateqarani sulinermut arlaatigut pilluteqarnissaannik.

Akkerlerluinnaanik innuttaasoqateqarpugut, sulinissaminnut piareersimasunik. Ullumikkut imaappoq, ukiut tamaasa nunanit akissarsiakiffiusunit soorlu Thailand aamma Filippinerne ilinniarsimannngitsunik sulisussanik tikisitsisarluta. Assersuutigalugu 3. november Sermitsiami atuarneqarsinnaavoq, Brugsen Nuummi sulisut sisamaagaangata ataaseq Asiaminngaanneertartoq. Taamatutaaq ersarippoq, hotellini-aammalu neriniartarfinni atorfiit avataaniit ilinniarsimannngitsunik sulisoqartut. Ataqaatigiinnngilluinnarpoq, nunaqavissunik sulisinnaasoqartoq, pisortanik ikiorsiissutinik pisartagalinnik. Tunngaviulluinnartumik nunaqavissut pisortanit ikiorsiissummik pisartut taakku atorfiit suliffigisussaagaluarpaat. Sulisussaaleqisoqarpoq, tunniutiinnarnertullu isikkoqarpoq, nunaqavissut suliffissaaleqisut pisortanit ikiorsiissutinik pisarnerat uffa sulisussaaleqisoqartoq.

Tassani inissisimanermi silatusaarnersinnaanngilaq pisortanit pisartagaqassagunik sulinnginnerup nalaani inuiaqatigiinnut ikiuuttussatut pisussaaffiliinissaq. Tamanna allaffissornerunermik kinguneqassaaq, iluaqutaanissaalu takujuminaalluinnarluni. Akkerlianik pisortaniit isumagineqartariaqaralarpoq, pisortaniit ikiorsiissutinik pisartut tamarmik suliffeqarfivimmi suliffivimmik tunineqarnissaat, nunaqavissunik sulisoqarnissaminnik nilliasunut.

Ullut ilaanni imaalisinnaassappat, suliffissaaleqineq mumilluni imatut, tassanngaannaq suliffissat amigaataalerlutik, taava soorunami eqqarsaatigineqarsinnaavoq sulinnginnerup nalaani inuiaqatigiinnut ikiuuttussatut pisussaaffiliinissaq, pisortaniit ikiorsiissutinik pinissamut pilliuteqaaqaarnertut. Oqaatigineqareertutulli, suli uani inissisimavugut, suliffeqarfinni naliginnaasuni naammattorsuarnik suliassaqluni.

Tassalu Demokraatit oqallinnermut isummersuutaat.